

longè alia moliuntur quàm quæ ardentibus votis rogamus Deum Optimum Maximum. Etenim auctoritate quam in se assumunt abutuntur ad auaritiam, ambitionem, & luxum. Prædicationem Verbi, ad quam præcipuè sunt instituti Episcopi, prorsus omittunt, & rem pudendam, & dignitate sua inferiorem fecisse se existimant, si eo munere fungantur: quorum dein exemplo multi Curiones suam functionem negligunt, & per vicarios plerumque indignos res sacras administrant, eandem semper cantilenam recantantes: vt de luxu nihil dicam, in quo tantopere sibi placent antistites. Petrus Molinaeus non minus verè quam acutè alicubi dicit, Episcopos pompa illustres, & luxu diffluentes, curamque annuntiandi Euangelium procul à se abiicientes, similes esse laterne auro fulgenti, in qua nulla est candela accensa. Sed hæc leuia essent, nisi prauo suo exemplo gregem inficerent, & cultum Diuinum corrumperent suis commentis, & additamentis, & mysterium iniquitatis totis viribus reuocare niterentur: quod quidem strenuè his postremis annis præstiterunt, resque eò cumuli